

Saksprotokoll i utval for kultur, idrett og regional utvikling - 05.12.2017

Til RS 69/17 *Statsbudsjett 2018 - konsolidering mellom Museum Vest og Bergens sjøfartsmuseum*, sette medlem Kjell Håland fram følgjande uttale på vegner av Ap, Krf og Sp:

Utval for kultur, idrett og regional utvikling i Hordaland fylkeskommune vil gje ei sterk støtte til Bergen kommune sin merknad til statsbudsjett 2018 når det gjeld konsolidering mellom Museum Vest og Bergens sjøfartsmuseum. Utvalet forventar at ein frå statleg hald vil følgje opp med bevilging til gjennomføring av konsolideringa frå og med 2018.

Eit samla utval støtta uttalen.

Til RS 70/17 *Førespurnad frå Askøy kommune om ny vurdering av Plan 368 Askøypakken*, sette medlem Mai Eva Sandvik fram spørsmål om saka burde takast opp att i utvalet på ny og sette fram følgjande forslag:

Utval for kultur, idrett og regional utvikling ber om at Plan 368 Askøypakken vert tatt til ny behandling.

Medlem Kjell Håland sette fram slikt forslag til uttale:

Utval for kultur, idrett og regional utvikling viser til PS 128/17 *Søknad om samtykke til etablering av handelsareal til Biltema i Heiane Vest næringsområde - Stord kommune*, og meiner at denne saka ikkje skaper presedens ref. brev frå Askøy kommune 16.11.2017.

Sandvik sitt forslag fekk 4 røyster (H og Frp) mot 8 røyster og fall.
Eit samla utval stilte seg bak Håland sitt forslag til uttale.

Til RS 74/17 *Sykkkel-VM og økonomisk status*, etterlyste medlem May Eva Sandvik ei betre orientering om status for økonomien i prosjektet.

Medlem Kjell Håland kom med følgjande forslag til uttale i saka:

- 1. Utval for kultur, idrett og regional utvikling konstaterer at sykkel-VM 2017 vart ein stor sportsleg og publikumsmessig suksess.*
- 2. Utvalet meiner at det varsla underskotet er å beklaga.*
- 3. Med bakgrunn i at dette meisterskapet har store internasjonale dimensjonar, meiner utvalet at staten må ta eit større økonomisk ansvar for Sykkkel-VM 2017.*
- 4. Utvalet oppfordrar Fylkesutvalet og saman med byrådet i Bergen å gå i dialog med staten/Kulturdepartementet for å oppnå større økonomisk medverknad.*
- 5. Utvalet imøteser ein kommande ringverknadsanalyse med effektane av sykkel-VM 2017.*

Eit samla utval stilte seg bak Håland sitt forslag til uttale.

Vedtak

Referatsaker 68-74/17 vart elles tekne til orientering.